

1. *Num e sedia da l'uniun*

- 1.1. L'Uniun grischuna per il teater popular (UTP) è in'uniun tenor l'art. 60ss. dal Cudesch civil svizzer cun sedia en il lieu da domicil dal president.
- 1.2. L'uniun è politicamain e confessionalmain neutrala.
- 1.3. L'UTP è in'uniun regiunala autonoma da l'Uniun centrala da teater popular svizzer (UCTP).

2. *Intent e finamira*

2.1. L'UTP promova en il chantun Grischun:

- il teater d'amateurs ed il teater popular
- ils contacts cun las gruppas da teater
- l'organisaziun e la realisaziun da curs
- la scolaziun ed il perfecziunament da las personas da teater, cun organisar referats e conferenzas
- la scolaziun ed il perfecziunament dals commembers
- l'activitad drammatica
- il barat cultural
- la lavur publica

2.2. Ediziun dal "Reflectur"

- L'UTP promova tut las ulteriuras mesiras che servan al teater popular e che dattan a quel novs impuls,
- ed ella sa stenta da resguardar a moda commensurada las trais linguas uffizialas dal Grischun.

3. *Contacts cun autras organisaziuns*

3.1. L'UTP collavura stretgamain cun las organisaziuns da teater localas e regionalas, cun las organisaziuns linguisticas chantunalas e cun l'UCTP.

En dumondas che pertutgan la lingua rumantscha vegn l'UTP represchentada sin champ naziunal ed internaziunal da la partiziun rumantscha.

4. *Commembranza*

Commembers da l'UTP pon daventar:

- 4.1. *Uniuns da teater*: uniuns che tgiran exclusivamain il teater popular.
 - 4.2. *Teaters d'uniun*: uniuns che tgiran il teater popular, ma han in auter intent principal.
 - 4.3. *Teaters da seniors*: uniuns che consistan oravant tut da commembers sur 60 onns e che tgiran il teater popular.
 - 4.4. *Uniuns da teater d'uffants e da giuvenils*: uniuns che consistan per gronda part d'uffants e da giuvenils sut 20 onns.
 - 4.5. *Commembers collectivs*: organisaziuns chantunalas e regionalas che promovon il teater d'amateurs ed il teater popular (LR, PGI, Uniun dals Gualsers, Procap Grischun, Pro Infirmis GR).
 - 4.6. *Commembers da famiglia*: persunas che vivan en la medema chasada.
 - 4.7. *Commembers singuls*: persunas ch'èn attaschadas al teater popular u che s'engaschan en il senn da l'intent da l'uniun.
 - 4.8. *Commembers d'onur*: persunas ch'èn sa fatgas meritaivlas per il teater popular en general.
- Commembers d'onur vegnan nominads da la radunanza da delegadAs sin proposta da la suprastanza.
 - Novs commembers vegnan recepids, suenter lur annunzia en scrit, tras decisiun da la proxima radunanza da delegadAs.
 - La radunanza da delegadAs po decider l'exclusiun da commembers, communitgada ordavant sin la glista da tractandas, sch'il commember:
 - n'ademplescha betg sias obligaziuns visavi l'UTP;
 - na resguarda betg las decisiuns da l'uniun;
 - è sa cumportà a moda dischonuraivla visavi l'UTP u ses funcziunaris.
 - Avant l'exclusiun duai il commember avoir la pussaivladad da preschentar sia posiziun en scrit a la radunanza da delegadAs.
 - Commembers extrads u exclus n'han nagin dretg a la facultad da l'uniun.
 - L'exclusiun na dispensescha betg da las obligaziuns finanzialas per l'onn current.
 - Commembers da l'UTP tenor l'art. 4.1 fin 4.8 daventan automaticamain era commembers da l'UCTP.

5. *Dretgs dals commembers*

5.1. Ils commembers han il dretg:

- da far propostas per mauns da la radunanza da delegadAs;
- d'eleger e vegnir elegids;
- da vuschar.
- Commembers da las trais gruppas linguisticas (tudestg, rumantsch e talian) han il dretg da daventar mintgamai separadamain commember collectiv d'ina uniun.

6. *Obligaziuns dals commembers*

6.1. Ils commembers èn obligads da:

- resguardar ils statuts e las decisiuns da l'uniun;
- promover la reputaziun da l'UTP;
- pajar la contribuziun da commember correspondent.

7. *Meds finanzials*

7.1. Las entradas da l'uniun sa cumponan da:

- contribuziuns da commember
- contribuziuns e donaziuns voluntaras
- subvenziuns
- eventuals surplus d'entradas d'occurrentzas da l'uniun

La radunanza da delegadAs fixescha mintg'onn las contribuziuns da commember. Las summas maximalas muntan a:

CHF	300.00	per uniuns da teater (art. 4.1)
		per teaters da seniors (art. 4.3)
		per commembers collectivs (art. 4.5)
CHF	200.00	per teaters d'uniun (art. 4.2)
CHF	80.00	per commembers da famiglia (art. 4.6)
CHF	50.00	per commembers singuls (art. 4.7)
CHF	0.00	per commembers d'onur (art. 4.8)
		per uniuns da teater d'uffants e da giuvenils (art. 4.4)
		per commembers da suprastanza da l'UTP

7.2. L'onn da gestiun corresponda a l'onn chalendar.

8. *Dumber da vuschs a chaschun d'elecziuns e da votaziuns*

A chaschun d'elecziuns e da votaziuns han ils singuls commembers il suandant dumber da vuschs:

8.1. Uniuns da teater (art. 4.1/4.3/4.4)	5 vuschs
8.2. Teaters d'uniun (art. 4.2)	3 vuschs
8.3. Commembers collectivs (art. 4.5)	5 vuschs
8.4. Commembers da famiglia (art. 4.6)	1 vusch
8.5. Commembers singuls (art. 4.7)	1 vusch
8.6. Commembers d'onur	1 vusch
8.7. Suprastanza	1 vusch

Mintga commember è exclus dal dretg da vuschar, sch'i sa tracta da decider davart in act giuridic u ina cuntraversa giuridica tranter el, ses conjugal u ina persuna parentada tras maridaglia u parenta cun el en lingia directa d'ina vart e l'uniun da l'autra vart.

9. *Extrada*

- 9.1. L'extrada da l'uniun è da communitgar en scrit a la suprastanza. Ella po succeder da tut temp, resguardond in termin da desditga da 3 mais, mintgamai per la fin da l'onn da gestiun. Ina desditga na liberescha betg da l'obligaziun da pajar las contribuziuns scadidas avant quest termin e la contribuziun per l'onn da gestiun current.
- 9.2. L'extrada da l'UTP signifitgescha automaticamain era l'extrada da l'UCTP.
- 9.3. La SUIA vegn infurmada davart l'extrada da commembers da la categoria 4.1, 4.2, 4.3, 4.4. A partir da la data d'extrada èsi da far giu quint per las occurrenzas directamain cun la SUIA.

10. *Organisaziun*

Ils organs da l'UTP èn:

- 10.1. la radunanza da delegadAs
- 10.2. la suprastanza
- 10.3. la giunta directiva
- 10.4. il revisurat
- 10.5. cumissiuns

10.1 *La radunanza da delegadAs*

- 10.1.1 La radunanza da delegadAs è l'organ suprem da l'UTP. Ella vegn convocada ina giada l'onn, per ordinari la primavera.
- 10.1.2 Ina radunanza da delegadAs extraordinaria po vegnir convocada sin decisiun da la suprastanza u sin dumonda dad in tschintgavel dals commembers u 10% da las vuschs dals commembers (la dumonda sto vegnir inoltrada en scrit cun indicaziun da l'intent).
- 10.1.3 La suprastanza decida il lieu e la data da la radunanza e trametta l'invit cun la glista da tractandas 15 dis avant la radunanza.
- 10.1.4 Propostas dals commembers èn d'inoltrar en scrit al president 15 dis avant la radunanza da delegadAs ordinaria.
- 10.1.5 Propostas per midadas da statuts èn d'inoltrar a la suprastanza enfin ils 31 da december per mauns da la proxima radunanza da delegadAs ordinaria.
- 10.1.6 Las decisiuns vegnan prendidas cun la maioritad da tut las vuschs dals commembers preschents a la radunanza, sch'ils statuts na prevesan nagut auter.
- 10.1.7 Davart dumondas che pertutgan specificamain las gruppas linguisticas, decidan mintgamai mo ils commembers da la gruppa linguistica pertutgada. En la votaziun dals commembers da las singulas gruppas linguisticas valan l'art 8.1 enfin 8.7 dals statuts. Il resultat da la votaziun è liant per ils commembers da la gruppa linguistica che votescha.
- 10.1.8 Votaziuns ed elecziuns succedan avertamain, premiss che la suprastanza u 1/3 da las vuschs dals commembers preschents na pretendian betg in scrutini.
- 10.1.9 La radunanza da delegadAs ha las suandantas cumpetenzas ed obligaziuns:
 - 1. eleger ils dumbravuschs
 - 2. approvar il protocol da la davosa radunanza da delegadAs
 - 3. approvar ils rapports annuals
 - 4. approvar il quint annual sin fundament dal rapport dal revisurat
 - 5. prender enconuschientscha dal preventiv
 - 6. eleger il president, il cassier ed ils ulteriurs commembers da la suprastanza
 - 7. eleger ils revisurs
 - 8. decider davart propostas

9. fixar las contribuziuns dals commembers:
 - a. da las uniuns da teater (art. 4.1)
dals teaters da seniors (art. 4.3)
dals commembers collectivs (art. 4.5)
 - b. dals teaters d'uniun (art.4.2)
 - c. dals commembers singuls (art. 4.7)
10. approvar il program annual
11. eleger ils commembers d'onur

10.2 *La suprastanza*

- 10.2.1 La suprastanza sa cumpona dad almain 11 commembers:
 - dal president
 - dal vicepresidente
 - dal cassier
 - dad 8 represchentants da las regions
- 10.2.2 La perioda d'uffizi da la suprastanza munta a dus onns. Ina reelecziun è pussaivla.
- 10.2.3 Cun excepziun dal president e dal cassier sa constituescha la suprastanza senza.
- 10.2.4 Ella è cumpetenta da decider, sche almain la mesadad dals commembers è preschenta. Decisiuns pon excepziunalmain era vegnidas prendidas en scrit. Per ina tala decisiun dovri ina maioritad da $\frac{3}{4}$.
- 10.2.5 La suprastanza è l'organ executiv da l'UTP. Ella è responsabla ch'ils statuts e las decisiuns da las radunanzas vegnian resguardads e procura per ina politica da finanzas sauna. Ella installescha eventualas cumissiuns e surveglia lur activitad.
- 10.2.6 Ella è obligada da suttametter ils statuts sco era revisiuns parzialas u totalas per controlla a l'Uniun centrala da teater popular svizzer. La suttascripziun giuridicamain valaivla per l'UTP è quella dal president u dal vicepresidente e dal cassier.
- 10.2.7 Per il traffic bancar e postal han il president ed il cassier la suttascripziun singula.
 - Las trais regions linguisticas ston esser represchentadas a moda commensurada en la suprastanza.

11. La giunta direttiva

La giunta direttiva sa cumpona:

- a. dal president
- b. dal cassier
- c. dal secretariat
- d. in ulterior commember da suprastanza

11.1. La perioda d'uffizi munta a 2 onns fin a la proxima radunanza da delegadAs. Ina reelecziun è pussaivla.

11.2. La giunta direttiva è cumpetenta da decider, sche almain trais commembers èn preschents. Las decisiuns vegnan prendidas cun la majoritad da las vuschs. En cas da paritad da las vuschs decida il president.

La giunta direttiva ha en particular las suandantas cumpetenzas ed obligaziuns:

- tractar las fatschentas currentas
- represchentar l'UTP vers anen e vers anora
- far in preventiv e controllar che quel vegnia resguardà
- administrar la facultad da l'uniun
- administrar il pool da material
- preparar las fatschentas da la suprastanza
- installar il secretariat
- installar eventualas cumissiuns
- s'occupar da las relaziuns publicas
- edir l'organ da l'uniun
- organisar la radunanza da delegadAs
- organisar il festival
- organisar la Biennala

12. Post da revisiun

12.1. Ils revisurs èn obligads d'examinar la contabilitad ed il quint annual da l'UTP, da dar rapport e da far ina proposta en scrit a la suprastanza per mauns da la radunanza da delegadAs. Els pon da tut temp far revisiuns intermediaras.

12.2. La perioda d'uffizi dals revisurs munta a 2 onns. Ina reelecziun è pussaivla.

13. *Gruppas da lavur*

13.1. Per ademplir incumbensas cuntinuantas u temporalmain limitadas pon vegnir installadas gruppas da lavur. Il parsura respectiv ha il dretg da far propostas en suprastanza.

14. *Responsabladad*

14.1. Per las obligaziuns da l'uniun stat buna mo la facultad da l'uniun. La responsabladad dals commembers è limitada a la contribuziun annuala.

15. *Disposiziuns transitorias e finalas*

- 15.1. Midadas dals statuts basegnan il consentiment da 2/3 da las vuschs dals commembers preschents ad ina radunanza da delegadAs.
- 15.2. Davart la dissoluziun da l'UTP po decider sulettamain ina radunanza da delegadAs extraordinaria, convocada aposta per quest intent, ed ina maiortad da las vuschs da 2/3 dals commembers preschents. In eventual inventari, la facultad ed ils documents da l'uniun vegnan deponids tar l'Uniun centrala da teater popular svizzer cun l'obligaziun da metter a disposiziun quels ad in'uniun en il senn da l'art. 2 da quests statuts.

Quests statuts èn vegnids approvads da la radunanza da delegadAs dals 16 d'avrigl 2005 e remplazzan ils statuts dals onns 1980 resp. 1982, resp. 1990 resp. 1994. Per l'interpretaziun è decisiv il text tudestg.

Il president:

Il cassier:

Dieter Marty

Albert Meier